



ჩუმი გიმნაზია



**სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №11 ნოემბერი 2014 წ.**

**გაზეთი გაშლის ბიზნაზიის ღირებურობის სტუდენტური და სპორტის
მთავარებისკოპოს იმეზღიშლის ღოცვა-კურთხევით.**

წმიდა ღიღეზული ღიღეზი და კლესიისმოსილი გიორგი (23 ნოემბერი)



ყოველი ერი განსაკუთრებულ პატივს სცემს რომელიმე წმიდანს, ყოველ ერს ჰყავს თავისი განსაკუთრებული ზეციური მფარველი, რომელიც ღოცულობს ერისთვის და იფარავს განსაცდელთაგან.

წმიდა გიორგი არის საქართველოს განსაკუთრებული მფარველი. ისტორიიდან ცნობილია, რომ წმიდა გიორგი ხილულად იბრძოდა ქართველთა ლაშქარში.

საქართველოს ბევრ ევროპულ ქვეყანაში წმიდა გიორგის სახელის მიხედვით „გეორგიას“ ეძახიან, ჩვენთან კელესიების უმეტესი ნაწილი წმიდა გიორგის სახელზეა აგებული. „არა არიან ბორცვნი და მაღალნი გორაკნი, რომელსა ზედა არა იყოს შენებულნი კელესიანი წმიდისა გიორგისანი“, – წერს ვახუშტი ბატონიშვილი.

საქართველოში წელიწადის ყოველ დღეს იხიმებოდა გიორგობა, რომელიც წმიდანის სახელობის რომელიმე ტაძართან, ხატთან და მის მიერ აღსრულებულ სასწაულებთან იყო დაკავშირებული. ხალხურ მეტყველებაში შემორჩენილია 365 წმიდა გიორგის სახელით დალოცვა, რომელიც წმიდა გიორგის წელიწადის ყოველდღიურ დღესასწაულთან იყო დაკავშირებული.

10(23) ნოემბერს აღინიშნება წმიდანის ბორბალზე წამების დღე, რომელიც, გადმოცემით, წმიდა ნინოს დაუდგენია დღესასწაულად. ცნობილია, რომ წმიდა ნინო ნათესავი იყო წმიდა გიორგისა, განსაკუთრებულ პატივს მიაგებდა მას და თავის მოქცეულ ქვეყანასაც უანდრძა ღიღეზის სიყვარული.

23 ნოემბერს უწმინდესმა და უნეტარესმა, საქართველოს კათოლიკოს-პატრიარქმა ილია II-მ სიონის საკათედრო ტაძარში ჩაატარა გიორგობის ღმრთილი მიძღვნილი წირვა-ლოცვა. აღსანიშნავი იყო ის ფაქტიც, რომ ამ დღესასწაულზე აღინიშნებოდა სიონის საკათედრო ტაძრის დაარსებიდან 10 წლისთავი.

13 ნოემბერი, სხენება წმ. გაბრიელისა, აღმსარებლისა და სალოსისა



წმიდა ღირსი მამა გაბრიელი აღმსარებელი – სალოსი – სიყვარულის მქადაგებელი, სასწაულომოქმედი მართლმადიდებელი ბერი, არქიმანდრიტი (ერისკაცობაში გოდერძი ვასილის ძე ურეგაზიძე, დაიბადა 26 აგვისტოს 1929 წ. გარდაიცვალა 1995 წ.).

წმ. ღირსი მამა გაბრიელის, აღმსარებლისა და სალოსის წმიდა ნაწილები დაბრძანებულია სამთავისის ღვთაა მონასტრის ფერისცვალების ტაძარში ქ. მცხეთა.

მნიშვნელოვანია ისეთი ფაქტი, რომ მოკლე ხანში სრულიად საქართველოს კათოლიკოს-პატრიარქის ილია II-ის ღოცვა-კურთხევით ბორჯომ-ბაკურიანის ეპარქიაში შენდება წმ. ღირსი მამა გაბრიელის აღმსარებლისა და სალოსის სახელობის ეკლესია.

გაბრიელ ბერის სწავლებანი:

ზღვები დაშრება, მთები დაიშლება, ქრისტეს დიდება არ მოიშლება.

ღმერთი დაუსაბამო სიკეთე, დაუსაბამო სიმათლეს და სიყვარულია. ვისაც სიკეთე და სიმათლეს უყვარს, მას ღმერთიც უყვარს და ღმერთიც, ვით საკუთარ შვილს ისე შეიყვარებს.

სიყვარულს ვერ დაიშკიდრებ თავგანწირვის გარეშე. ღმერთს ლიტონი სიტყვები არ უყვარს, ღმერთს უყვარს კეთილი საქმე, კეთილი საქმე არის სიყვარული.

სხენება – წმიდა ღიღეზული, ყოვლადყვარელი, მოციქული და მახარებელი მათე (29 ნოემბერი)



წმიდა მოციქული და მახარებელი მათე, რომელსაც ლებეოსსაც უწოდებენ, ნახარეთში დაიბადა. იგი მეზვერე იყო – ებრაელთაგან რომის ხელისუფლებისათვის ბაჟს კრებდა. მეზვერეები ვერცხლიმოყვარეობითა და სისასტიკით გამოირჩეოდნენ, ამიტომ იუდეველებს მეზვერეები სძულდათ. ისინი ცოდვილებად მიიჩნეოდნენ, მათთან საუბარიც კი ცოდვად ითვლებოდა.

იესო ქრისტემ კი, როცა მათე მეზვერე იხილა, მოუწოდა „მომდევდი მე“ და ისიც გაჰყვა მაცხოვარს.

მათემ მალე შეიგრძნო საკუთარი ცოდვები, მთელი ქონება გლახაკებს დაურიგა, თვითონ კი სხვა მოციქულებთან ერთად ქრისტეს შეუდგა. წმიდანი უსმენდა თავის ღვთაებრივი მოძღვრის დარიგებებს, ზედავდა მის ურაცხე სასწაულს; თორმეტ მოციქულთა შორის ისიც დადიოდა საქადაგებლად და მაცხოვრის ჯვარზე ეწევის, სიკვდილის, ბრწყინვალე აღდგომისა და ზეცად ამაღლების მოწმეც შეიქმნა.

მას შემდეგ, რაც სულთმოფენობის დღეს უფლის სხვა რჩეულ მოწაფეებთან ერთად მათე მოციქული სულიწმიდის მადლოხილი ნიჭებით აღივსო, იგი რვა წლის მანძილზე ქადაგებდა პალესტინაში. ქრისტიანული სარწმუნოების გასავრცელებლად შორეულ ქვეყნებში გამგზავრების წინ მან იერუსალიმში დარჩენილი იუდეველების თხოვნით დაწერა სახარება, რომელშიც აღბეჭდა მაცხოვრის მიწიერი ცხოვრება და მისი სწავლება.

ახალი აღთქმის წიგნებს შორის მათეს სახარება პირველ ადგილზე დგას. როგორც ვარაუდობენ, წმიდა მოციქულმა იგი პალესტინაში დაწერა ქრისტეს შობიდან 42 წელს, ებრაულ ენაზე, საიდანაც შემდგომ ბერძნულად ითარგმნა.

მათე მახარებელმა ქადაგებით შემოიარა სირია, მდია, სპარსეთი, პართეთი და ბოლოს ეთიოპიაში მოწამებობრივად დაასრულა მოციქულებრივი ღვაწლი.

გთხოვთ, გაუფრთხილდეთ გაზეთს გასული დაბეჭდილი ტექსტის და ფოტოგასაყლის გამო.

სხენება ზმიდთა 100 000 მოჯამთა თბილისს სპარაჟმელთაგან ზამეპულთა (13 ნოემბერი)



ქრისტიანულ საქართველოს კეთილშესაზღვრე მეთვლი, წმიდა თამარის გარდაცვალების შემდეგ ძნელბედობის უამრავი დაუდგა.

ჩინგის ყაენისაგან ძლეული ზვარაზმის სულთანი ჯალალედინი დედასწულთან და აიყარა და საქართველოს საზღვრებს მოადგა. ამ დროს საქართველოს თამარ მეფის ასული რუსუდანი განაგებდა. რუსუდანის ბრძანებით შეკრებილი ქართველთა ლაშქარი გარნიტონ გამართულ ომში დამარცხდა. გავიდა ხანი, აღარბადგანსა და ნახჭევანს დამკვიდრებული ჯალალედინი თბილისისაკენ დაიძრა. ბრძოლის პირველ დღეს „ბრწყინვალე ძლევა აჩუქნეს ქართველთა“, დიდად დაჯაბნეს ზვარაზმის სულთანი, მაგრამ დამით თბილისელმა სპარსებმა უღალატეს ქართველებს, ქალაქის კარი გააღეს და მტერი თბილისში შემოუშვეს.

„ვიინ-მე უძღლოს მაშინდელსა თქმულთა და ქმნულთა და განსაცდელთა, რომელი მოიწია ქრისტიანეთა ზედა?“ — მოკვითხრობს უამთადმწერელი ქართლის ცხოვრების ამ უსამინდეს დღეზე.

ჯალალედინის ბრძანებით სიონის ტაძრიდან გამოასვენეს მაცხოვრისა და ყოვლადწმიდა ღვთისმშობლის ხატები, მტკვარზე გაღებულ ხიდზე დაასვენეს და თბილისელებს უბრძანეს „დათრგუნვა პატიოსანთა ხატთა და დატეკება სჯულისა“. ვინც ამას არ აღასრულებდა, „წარკუეათა თავთა“ ელოდა.

ასი ათასი ქართველი შეიწირა ამ დღეს წმიდა ხატების თავგანისცემა და სარწმუნოების დაცვას, ასი ათასი მოჭრილი თავი და ასი ათასი წარკეცილი სხეული გაატანეს უსჯულოებმა მტკვარს. ამ დღიდან ასი ათასი მფარველი შეემატა საქართველოს, რომელთა ხსენება ყოველთვის „ქებით აღესრულებს“ მათ სამშობლოში.

13 ნოემბერს დღის 1 საათზე საქართველოს პატრიარქის, უწმინდესისა და უნეტარესის ილია II-ის მოწოდებითა და ახალგაზრდული მოძრაობა „დავითიანის“ აქტიური მონაწილეობით მსვლელობა დაიწყო ვარდების მოედნიდან, სპორტის სასახლიდან და მეტრო ისნიდან. ისმოდა უწმინდესის მიმართვა: „მოგვიანდით დიდი დღესასწაული. ჩვენ პატივს მივაგებთ სამშობლოსა და სარწმუნოებისათვის თავდადებულ წმინდანებს. ასეთი მოვლენა, ასეთი რიცხვი მოწამეთა თავდადებისა არ ყოფილა არც ერთ ქვეყანაში. მათი ღირსება შეგვეწიოს ჩვენ და სრულიად საქართველოს.

დღის 3 საათზე უწმინდესმა გადაიხადა პარაკლისი. 100 000 წმინდანის პატივსაცემად მეტეხის ხიდიდან მტკვარში ჩაყარა ყვავილები და გვირგვინი.

პრეზა ზმიდისა მთავარანგელოზისა მიქაელისა და სხვთა უხორცოთა ზმინისა კალთა 8(21 ნოემბერი)



მთავარანგელოზ მიქაელსა და სხვთა უხორცოთა ზეცისა ძალთა კრების აღნიშვნა გადაწვდა ლაოდისკოს ადგილობრივ კრებაზე, რომელიც IV საუკუნის დასაწყისში, ნიკეის I მსოფლიო კრებამდე რამდენიმე წლით ადრე გაიმართა. ლაოდისკოს კრებამ დაგმო და უარყო ანგელოზებისადმი ღვთაებრივი პატივის მიგება და დაამტკიცა მათი მართლმადიდებლური თავგანისცემა.

ანგელოზთა დასნი სამ იერარქიად განიყოფიან. უმაღლეს იერარქიას შეადგენენ: სერაბიმნი, ქერუბიმნი და საფდარნი. ყოვლადწმიდა სამებასთან ყველაზე

ახლოს ღვანან სერაბიმნი, ისინი ადამიანებს ღვთაებრივი სიყვარულის ალით აღაგზნებენ.

სერაბიმთა შემდგომ უფალთან ღვანან ქერუბიმნი, რომელთა სახელი ნიშნავს: სიბრძნის გარდამოსვლას, განათლებას.

ქერუბიმებს მოსდევნ საფდარნი, რომლებიც ღვთის მართლმსაჯულებას ემსახურებიან.

ანგელოზთა საშუალო იერარქიას შეადგენენ: უფლებანი, ძალნი და ხელმწიფებანი.

უმაღლესი იერარქია მოიცავს სამ დასს: საწყისნი, მთავარანგელოზნი და ანგელოზნი.

ანგელოზნი ყველაზე ახლოს ღვანან ადამიანებთან, ისინი ღვთის განგებულებას გვაძენობენ. არასოდეს გეტოვებენ და მუდამ მზად არიან შეგვეწიონ.

ანგელოზთა დასის მთავრად დადგენილია მთავარანგელოზი მიქაელი, ღვთის ერთგული მსახური, რომელმაც გაიმარჯვა სატანის ძალებზე.

საღვთო წერილიდან და წმინდა გადმოცემიდან ცნობილია სხვა მთავარანგელოზებიც, რომელთაც სხვადასხვა კურთხევა აქვთ ღვთისაგან: გაბრიელი — სიმტკიცე ღვთისა, ღვთის საიდუმლოს კეთილი მცნე, რაფაელი — ღვთიური მკურნალი, სნეულებათაგან ადამიანთა დამხსნელია. ურიელი — ღვთაებრივი ცეცხლი და ნათელი, განმანათლებელი. ბერძონაზონთა და ღვთისმეტყველთა მფარველად ითვლება. სელაფიელი — მლოცველს ნიშნავს. იგი ადამიანებს უხილავად შეეწევა ღვთისა. ეგუდიელი — ღვთის დიდებას ნიშნავს. ის აღიღებს უფალს, განამტკიცებს და შუამდგომლობს მოღვაწეებს. ვარახიელი — კურთხევის ანგელოზს ნიშნავს. ადამიანებისათვის ღვთიური მოწყალების გამომთხოველია. იერომიელი — რაც ნიშნავს: ღვთისაგან ამაღლებას, იგი საღვთო სიყვარულის აღმძვრელია და ვნებათა და ცოდვითა დაძლევაში შეგვეწევა.

მე მიყვარს პითხვა

ჩვენ ვხედავთ წლების მანძილზე ჩვენი ქვეყნის მრავალ ძირეულ პრობლემებს, რომელიც არ გვარდება არა ვიღაცის მიერ, არამედ ჩვენ მიერ და მივდივართ ლოგიკურ დასკვნამდე, რომ ჩვენ რაღაცას ვაკლებთ ჩვენი წინსვლის პრაქტიკას.

სხვა მნიშვნელოვან პრობლემათა შორის, განათლების პრობლემა, თუ უმთავრესი არა, ერთ-ერთი ძირეული პრობლემა ჩვენს რეალობაში. მრავალი რეფორმის ჩატარების მცდელობა იყო და ჩატარდა კიდევაც, მაგრამ რეალურად შედეგი არა გვაქვს. მართალია, განათლების რეფორმა, როგორც წესი, წლების შემდეგ იძლევა შედეგს, მაგრამ დავეთქვოდეთ, მოგვცემს შედეგს ის, რაც არის დღეს? როგორც ყველაფრის საწყისად ძირი, საფუძველი მიიჩნევა და არა კენწერო, ჩვენც განათლებას ძირშივე უნდა ჩავუყაროთ საფუძველი. აბა, გავიხსენოთ დავით გურამიშვილის „სწავლა მოსწავლეთა“, როგორ გვიხსნის სწავლის აუცილებლობას, ცოდნის შეძენის აუცილებლობას.

„ისმინე, სწავლის მიხედვით! მოჰყევ დავითის მცნებასა, ჯერ მწარე ჭამე, კვლავ ტკბილი, თუ ეძებ გემოვნებასა“.

დავით გურამიშვილი ჭკვიანი, მაგრამ გაუნათლებელ ადამიანზეც მიგვახსენებს, რომ იგი უხორთუმო სპილოს ჰგავს.

„ჰგავს უხორთუმო სპილოსა ჭკვიანი კაცი ბრეფია!“



როცა ვხედებით განათლებულ, მცოდნე ლექტორს, მეცნიერს, მასწავლებელს და ვესაუბრებით, მას იმდენი მაგალითები მოჰყავს სხვადასხვა წიგნებიდან, მოღვაწეთა ცხოვრებიდან, რომ ხშირად გვიჩნდება კითხვა, როდის მოასწრო ამ ადამიანმა ამდენის წაკითხვა? საიდან იცის ამდენი? ან როგორ იმახსოვრებს? რაც უფრო მეტს ვკითხულობთ და ვამახსოვრებინებთ ჩვენს ტვინს, მით უფრო მეტი შესაძლებლობები უჩნდება მას. რაც უფრო მეტი გვაქვს წაკითხული, მით უფრო ენაწლიანები ვართ. მით უფრო მოხერხებულად და გონივრულად ვწყვეტთ ამა თუ იმ საკითხს.

ხშირად სკოლებში მოსწავლეებს ცალკეული მასწავლებლები ძალიან უყვართ. მოსწონთ მათ გაკვეთილებზე ყოფნა, მათი მოსმენა. ზოგ შემთხვევაში პირიქით, ეზარებათ და იძულებული არიან, ისხდნენ და უსმინონ. ამის ყველაფრის დასტური, ჩემი აზრით, არის ის, რომ სკოლის პედაგოგი საინტერესოა და მიღებულია აუდიტორიისათვის და დანტერესებაც მაღალია. პატივისცემა და მოწიწებაც აღმატებულია. და რა ხდის მას უმჯობესს საინტერესოს? რა თქმა უნდა, მისი ინტელექტი, რომელსაც იძლევა ცოდნა. ცოდნას გვაძლევს განათლება, სწორედ დროს და სწორად შერჩეული. ყოველდღიური ჩვენი ცხოვრებაც ხომ ჩვენს განათლებასა და

აქტივობაზეა დამოკიდებული. გამოძინარე აქედან, არსებულ საგაღმტყობნო განათლებას აუცილებლად უნდა დაემატათ არანაკლებ მნიშვნელოვანი ნაწილი განათლების მისაღებად, როგორცაა წიგნების კითხვა.

რამდენიმე დღის წინ ჩვენ გიმნაზიაში ცოდნის სამყაროდან შემოგვთავაზეს პროექტი „მე მიყვარს კითხვა“, „კითხულობ სკოლიდან“ მონაწილეობის მიღება, მე არ ვიცი, პროექტს რამდენად ხარისხიანად გავაკეთებთ, მაგრამ ჩემთვის ის უფრო საინტერესოა, თუ კი მოსწავლეები დაინტერესდებიან და წიგნის კითხვას შეიყვარებენ.

პროექტი ითვალისწინებს სკოლაში შეიქმნას სამკითხველო წრეები, სადაც წავკითხავთ წიგნებს ერთად და ვიმსჯელებთ ცალკეულ საკითხებზე. კვირაში ორი დღე დაეთმობა 2-საათიან კითხვის პროცესს.

კითხვა განხორციელდება შემდეგნაირად: ერთ-ერთი მოსწავლე ღვება კათედრასთან, შლის წიგნს და აუ-დიტორიის წინაშე იწვევს კითხვას. კითხვის ხანგრძლივობა თითოეული მოსწავლისთვის უნდა განისაზღვროს 10 წუთი, შემდეგ აგრძელებს მეორე, ასევე 10 წუთის განმავლობაში და ა. შ. ასე გრძელდება 1 საათი და 10 წუთი. კითხვის პროცესის მიმდინარეობას თვალყურს ადევნებს და ყველა პროცესს ხელმძღვანელობს მასწავ-ლებელი (პედაგოგს აქვს უფლება, შეაჩეროს კითხვის პროცესი და მოსწავლეებთან ერთად იმსჯელოს ამა თუ იმ საკითხზე არა უმეტეს 10 წუთისა).

ყოველ სამკითხველო დღეს მოცემული იქნება სადისკუსიო (აზროვნების) თემა წაკითხული მასალიდან, რომელსაც მომდევნო სამკითხველო დღისთვის მოამზადებს 1 ან 2 მოსწავლე და გააკეთებს პრეზენტაციას. პრეზენტაციის დასრულების შემდეგ სხვა მოსწავლეები დაუშვამენ შეკითხვებს გამომსვლელებს. სადისკუსიო თემის განხილვას დაეთმობა 30 წუთი. ეს არის სამკითხველო 2 საათის ბოლო 30 წუთი.

მადლობა უფალს და მადლობა მეუფე იეგუდიელს გიმნაზიის დირექტორს, გიმნაზიის მატერიალურ-ტექნი-კური ბაზის მაღალ დონეზე მოწყობისათვის. კითხვისათვის გამოყენებული იქნება საკონფერენციო ღარიბაშვი. მონაწილეობას მიიღებენ VI-VII კლასის მოსწავლეები.

იმედია მაქვს, ბავშვები ინტერესით მოეკიდებიან აღნიშნულ ღონისძიებას. ჩვენც, პერიოდულად გაცნობებთ გაზეთის მეშვეობით, რა შედეგს გამოიღებს ჩვენი წამოწყება.

ც. ლუღუშაური

დეკემბრის თვის სამკლესიო კალენდარი

4 — ყოვლადწმიდა ღვთისმშობ-ლის ტაძრად მიევენება

6 — მოწ. გრიგოლ არქიმანდრი-ტისა (ფერაძე. 1942 წ.)

კეთილმორწმუნე მთავრისა ალექსანდრე ნეველისა (1263)

13 — ხს. წმ. მოციქულისა ანდრია პირველწოდებულისა. ხს. წმ. ვახტანგ გორგასლისა

15 — ღირსი იესესი, წილენელი ეპისკოპოსისა.

17 — ბარბარობა

19 — ნიკოლოზობა.

24 — ხს. ყოველთა წმიდათა საქარ-თველოში წამებულთა.

25 — წმ. სპირიდონ ტრიმიფუნ-ტელისა [ალსაყდრების (ინტრონ-იზაციის)] დღე სრულიად საქართ-ველოს კათოლიკოს-პატრიარქისა ილია II-ისა.

პოეზიის საღამო ზვიდა ილია მართლის სახელობის გიმნაზია-კანსიონში

პოეზიისადმი სიყვარული მოხვედრებს უზსოვარი დროიდან მოსდგამს. ხალხური პოეზია და ხალხური თქმულებები ასაზრდოებდა ალექსან-დრე ყაზბეგის უკვდავ ქმნილებებს, რამაც ასე გაუთქვა სახელი ხევის ტრადიციებსა და ყოფა-ცხოვრებას. მოხვედ პოეტების ალექსანდრე გო-მიამშვილის, მირანგულ ავსაჯანიშვილის, იორამ და მალევერ ლუღუშაუ-რების და სხვათა პოეზიას.

რა შეგვიძლია ვთქვათ თენგი ავსაჯანიშვილის პოეზიაზე? ის მართ-ლაც თვითნაბადი მარგალიტებით ბრწყინავს თანამედროვე პოეზიაში. მისი გულწრფელი სტრიქონები, რომლითაც ის სამშობლოს უძღერის, ხევის ბუნება, თერგი და მყინვარია მისი პოეზიის მთავონების უმრეტეო წყარო.



თენგი ავსაჯანიშვილი ფოლკლორის ეროვნული ლაურეატის პრემი-ით არის დაჯილდოებული ზეპირსიტყვიერების დარგში.

თენგი მუდამ თავის ხალხთანაა, ცდილობს არა მარტო უფროსები, მოზარდი თაობაც აზიაროს ლექსის სიბრძნეს.

24 ნოემბერს გიმნაზიის სააქტო დარბაზში (რადგან სხვა დარბაზი ან კლუბი ხევი არ არსებობს) თენგი ავსაჯანიშვილსა და მისი ყაზბეგზე შეყვარებული მეგობრების, ახალგაზრდა პოეტების მიხედვით თუმანის-ვილისა და ჯუბა ღებელის (გორგიჭიანი) პოეზიის საღამო იქნა ჩატარე-ბული. ძირითადად ესწრებოდნენ გიმნაზიის პედაგოგ-მასწავლებლები და მოსწავლეები. საღამო მართლაც შთამბეჭდავი გამოვიდა.

გარდა იმისა, რომ ახალგაზრდა პოეტები კითხულობდნენ თავიანთ ლექსებს. სცენა დაიკავეს პატარა დეკლამატორებმა და მომღერლებმა. ანანო ჩქარეულის, ანო შიოლაშვილისა და მარიამ ქუშაშვილის ხალხურ საკრავებზე შესრულებული სიმღერების ფონზე გიმნაზიის მოსწავლეები: ომარ ქობალა, დიტო სუჯაშვილი, გიორგი ბუჩუკური, ლუკა ჩქარეული და სხვები გრძნობით კითხულობდნენ ლექსებს. ცალკე აღნიშვნის ღირ-სია გიმნაზიის მოსწავლის ციური ფიცხელაურის მხატვრულად წაკითხ-ული ამირან ჯანჯღავას ლექსი „სამება“.

მოხვედები განსაკუთრებულად გრძნობენ ლექსს და ეს მათ ბავშვო-ბიდან მოსდგამთ, — აღნიშნა თენგი ავსაჯანიშვილმა, ეს კარგად გა-

მოჩნდა დღევანდელი ჩვენი თავშეყრიდანაც — ბავშვები სულგანაბულნი გვისმენენ. თენგიმ მადლობა გადაუხადა როგორც ბავშვებს, ასევე მათ მასწავლებლებს ბავშვების ასე კარგად აღზრდისათვის.

საღამომ შინაურ და გულთბილ ვითარებაში ჩაიარა და დარჩა სურ-ვილი, რომ ასეთი ღონისძიებები ხშირად იქნეს ჩატარებული.

თენგი ავსაჯანიშვილთან ერთად საკუთარი ლექსები წაკითხეს ჯუბა ღებელმა და მიხეილ თუმანიშვილმა.

გთავაზობთ თენგი ავსაჯანიშვილის, მიხეილ თუმანიშვილისა და ჯუბა ღებელის ლექსებს.

შენმა სიშორემ გადამარჩინა

ერთ კლდის დაპყრობა მეწვია აზრად,
არ შემსწრებოდა მთამსვლელი ბრძენი: —
„საკმარისია სცადო იქ ასვლა,
საფლავად გექცეს ქვა-ლორდის მტკერი.
ნუ იმეტებო თავს სასიკვდილოდ,
თვალს თუ ახარებ შორიდან ცქერით,
ვიდრე მიზანი გზას აგიცდინო,
მას სინამდვილე სჯობს უფრო წრფელი“.
ბილიკებს იქით აღარ მივიკვლევე,
დაობლებული ნატვრით ფერწერილს,
მთა ჰგავს სიყვარულს, შენს გულს და ფიქრებს,
დაუპყრობელი ბედის შემცველი.
მიუკარები მთა ქაბარჯინა,
ჩემი ოცნების გულქვა მოძღვარი,
შენმა სიშორემ გადამარჩინა
და ამიტომაც დაერჩი ცოცხალი!

მიხეილ თუმანიშვილი

მონათქმამ

მიყვარხართ, მოხევეებო,
თქვენი დიდგულა გულებით,
ნისლებიც მიყვარს, მაგ მთებს რო
არიან შეხიზნულები.
მიყვარხართ, მოხევეებო,
თქვენი წესით და ადათით,
მიყვარს ეგ დვარად მდინარე,
თერგიც როა და არაგვიც.
მიყვარხართ, მოხევეებო,
მაგ „ოქროს მამაწმიდათი“
თქვენი გერგეტის სამებით,
თქვენი მოდგმით და წინაპრით.
მიყვარხართ, მოხევეებო,
მტკივა რო ბარში ვბრუნდები,
ნისლებიც მიყვარს, მაგ მთებს რო
არიან შეიკლულები!

ჯუბა ღებელი

ზვიგნს თუ არაჰინ გაჰმლის

ამას გეტყვი — მკითხველს,
ჩემო მახარია,
წიგნს თუ არეინ გაჰმლის,
წიგნიც საფლავია.

მიგნებული განძიც
მიწის ნაფარია,
თუ არ ნახავს ხალხი,
თუ არ დაჰხარია.

თუ გადაშლი ამ წიგნს,
ლექსთა საფარია,
თუ არა და... მაშინ
ჩემი საფლავია.

თენგი

ავსაჯანიშვილი

„დიდი რაგბი ყაზბეგში“

ჩვენი გაზეთის „ჩემი გიმნაზიის“ ფურცლებზე საუბარი გვქონდა ახალგაზრდა ენთუზიასტ, ბესარიონ შენგელიას შესახებ, რომელმაც ყაზბეგის რაიონში მოსწავლეთა ძალებით ჩამოაყალიბა რაგბის გუნდი. მოხვედრა ახალგაზრდები სიხარულით შეხედნენ ამ წამოწყებას და მონაწილეობით ჩაერთვნენ სპორტის ამ სახეობაში. გვესაუბრება გიმნაზიის XI კლასის მოსწავლე, ახალგაზრდა რაგბისტი ირაკლი ბელოვეი.



ქართული რაგბი 50 წლისაა. საქართველოს პირველი ეროვნული ნაკრები შეიქმნა 1956 წელს და მასში მონაწილე რაგბისტებმა თავიდანვე წარმატება მოუტანეს საქართველოს.

მინდა გესაუბროთ მოხვედრა რაგბისტებზე. დათო ქირიკაშვილი და სოსო ნიკოლაენკო ძალიან ახალგაზრდები ჩაერთვნენ ამ ვაჟკაცურ სპორტში და სულ მალე თვალსაჩინო ადგილი დაიმკვიდრეს არა მარტო საქართველოს, არამედ მსოფლიო მასშტაბითაც. ისინი მიწვეულნი იქნენ

საზღვარგარეთ, დათო ქირიკაშვილი თამაშობს ანდორის ნაკრებ გუნდში, ხოლო სოსო ნიკოლაენკო — საფრანგეთში. ისინი სტიმულს გვაძლევენ, ვხედავთ, რომ თუ თავდაუზოგავად ვიმშრომებთ, შედეგი არ დააყოვნებს.

წინაპრების კვალს წარმატებით აგრძელებენ ჩვენი ახალგაზრდა მოხვედრა მორაგბეები. ისინი ყოველწლიურად აუმჯობესებენ შედეგებს და უფრო წინ მიიწევენ. საქართველოს ნაკრებში ბევრი ახალგაზრდაა, რომლებსაც დიდ წარმატებას უწინასწარმეტყველებენ. ყველაზე გამოკვეთილი ფიგურაა მამუკა გორგოძე, რომელიც 2014 წლის საუკეთესო მერვე ნომრად დაასახელეს. მასზე ერთი ფრანგი გუნდელი წერდა: „მამუკასთან თამაში უფრო მტკივნეულია, ვიდრე ლურსნეებით გატენილი ტომარასთან“.



ჩვენი გაზეთის „ჩემი გიმნაზიის“ ფურცლებზე დაიწერა ჩვენი მწვრთნელის ბესარიონ შენგელიას შესახებ, რომელმაც ჩვენი დიდი სიყვარული დაიმსახურა და შეიძლება ითქვას, რომ მან ამ მოკლე ხანში გუნდის ჩამოყალიბება შეძლო. ჩვენი გუნდი წელს გავიდა საქართველოს ჩემპიონატზე. ჩემი და ჩემი უმცროსი თაობის შედეგები შეიძლება ჯერჯერობით ბრწყინვალე არ იყოს, მაგრამ რაგბი არის სპორტის ის სახეობა, რომელსაც წარმატებისათვის სჭირდება თავდაუზოგავი შრომა და დრო. ჩვენს გუნდს კი ეს დრო წინა აქვს.



სოსო ნიკოლაენკო

ყაზბეგის რაგბის უმცროსი თაობის წარმატებებში მნიშვნელოვანი ადგილი უჭირავს ჩვენი გიმნაზიის მოსწავლეთა თამაშს. გუნდის წარმატებისათვის თავდაუზოგავად იბრძვიან გიმნაზიის მოსწავლეები. ესენია: გიორგი ქირიკაშვილი, გიორგი და თორნიკე მოსკოვჩენკოები, ზურა ბაქრაძე, ბიჭიკო ალიბეგაშვილი, თემო ბუჩუკური, ლუკა გიგაური, ლაშა და გიორგი სუჯაშვილები და სხვები.

ჩემი გუნდის სახელით პირობას ვდებ, რომ ჩვენ გაეცემათ მაქსიმუმს, რაც მოხვედრების გულს გაახარებს.

ჩემი სამომავლო გეგმები პირდაპირია დაკავშირებული რაგბთან. მე ვიცი, რომ ჩემი მაქსიმუმი უნდა ჩავდო მასში და იმედს ვიტოვებ, რომ ეს მაქსიმუმი შედეგს გამოიღებს.



სურათზე დათო ქირიკაშვილი

26 ოქტომბერს ყაზბეგის სტადიონზე ჩატარდა შეჯიბრი „დიდი რაგბის“ სახელწოდებით, სადაც მოხვედრა მორაგბეებმა შესანიშნავი შედეგი აჩვენეს:

ყაზბეგი-ჯვაროსნები — 13-12

ყაზბეგი-დედები — 40-10

ყაზბეგი-მარბიელი — 104-0

ყაზბეგი-წიქარა — 36-3

ყაზბეგი-თელავი — 27-25

ჩვენი გაზეთის საშუალებით წარმატებას ვუსურვებთ რაიონის ახალგაზრდა რაგბისტებს.

მოამზადა ირაკლი ბელოვემა

ფოტო კონკურსისათვის

ჩემი სამება და ჩემი მთები



ფოტო გიორგი ქირიკაშვილის

იოანე ნათლისმცემლის ეკლესია (ყაზბეგში)

არქიტექტურული ძეგლი დგას დაბიდან ჩრდილო-აღმოსავლეთით, მდინარე თერგის მარჯვენა ნაპირზე, მიუვალ კლდეზე. ეკლესია ღერძა-ხულია, ნაგებია ფიქლით. აღმოსავლეთი კედელი მიშენებულია კლდეზე. ხოლო ჩრდილოეთით თავად კლდეა გამოყენებული. წყობა მშრალია, და-ზიანებულია, ჩატკეულია სახურავი და დასავლეთის კედელი. შესასვლელი სამხრეთიდანაა. კარი დაბალია, ოთხკუთხა. აღმოსავლეთ კედლის მთელ სიგრძეზე თარია მოწყობილი. სამხრეთ კედლის აღმოსავლეთ ნაწილში პატარა ოთხკუთხა სარკმელია აფსიდში და სამხრეთ კედელზე შეიმჩნევა მოხატულობის კვალი. სამხრეთ კედელთან საკურთხეულის ქვა ძეგს.



ნიკოლოზ გელაშვილი

რედაქტორი
მანუჩი ბოშიაშვილი

სარედაქციო კოლეგია: არამიანდრეტი ნიკოლოზ ღლონტი,
ციციანი ლუკაშვილი, ნინო თურქიაშვილი, ნატო ფიქლაური.

მის. სტეფანეზიძის ფ. ილია მართლის
სახ. ბიძინაზია-პანინიძე